

博

趣

齋

藁

情趣齋藁卷第七

古詩

次西涯老先生韻

西涯文章非但字我每候門勤僕隸一去重來今十年講學非關欲相媚下筆便有古人法傍觀運筆神聳拔妙處敢謂頗得之學步歸來夜燒蠟憂國病苦身猶健填門日有求隸篆濡墨不擇筆好惡頃刻為爾題皆徧草書妙欲舞公孫有時嫋蔓仍盤根天然變態不可測雲飛霧散何繽紛小楷不數鍾王舊蠅頭忝背爭毫分行如江水滔滔去風吹波面自成文

我舊篋中藏一帙不遇知者不輕出長安多少號名
家索我觀之欲毀筆我亦百千得十一盡獲所願何
時畢却恐藉湜空自僵指腕癡頑非妙質我集古詩
載以車西涯一覽三歎嗟此行更欲極搜訪未惜塵
塵兩鬢花

瞻柏堂

與得喪亭皆為恒東石提學先生作

朝對柏暮對柏柏有舊時香柏帶當年色朝對柏暮
對柏對柏心惻惻

畫為來僉憲伯詔題

倚空百仞山色蒼下有萬頃澄波光老樹得雨葉更

密茅亭四面花氣香中一坐者布衣裳昂頭露頂神
氣揚琴罷指開腕猶倦囊琴童子在其傍坐石不嫌
江霧擁褰帷欲引山風長獨對綠荷心與淨慣看青
嶂眼生涼世人愛住長安市紛紛車馬紅塵起何曾
夢到山水間白頭兩鬢多泥滓來侯見畫心則喜遠
興寄在畫圖裏我今新買得西溪懸崖大窰清潭水
登山巔兮風裂我裳野多石兮我足為傷衆恠予之
去不返谷口白雲兮芝光明

虎谷

虎谷野步

深山草木稠結廬向虛敞盡日無人至禽鳥互來往
讀書心力倦手曳青藤杖出門何所之獨坐盤石上
山頭白雲生我心自蕭爽田父驅犢來喜道桑麻長
題蟠桃五子圖送靜夫侍郎祝其壽且有子也
有贈柴墟以畫者我一見之羨其雅雲開霧豁雙眼
明如步瑤池之上下紅桃綠葉掩映中綠者愈綠紅
愈紅開花結子幾千載二子三子死相從柴墟自少
苦多病伊川晚歲筋力盛商瞿當有五丈夫人心所
向天必應

送喬亞卿希大禱雨東京東海有序

正德庚午正月至五月不雨民用怨咨禾稿
於野漕河湮塞餽運不至戶部左侍郎喬君
奉命禱雨於岱宗于沂山于東海用幣禮也君
子謂君宜將是事而君若有重負焉心在國
與民也往年嘗同君遊華山君飄然有塵外
之想今茲行乃古人之所願而不可得至有
吾何脩之嘆者安能無所樂耶予嘗獨登泰
山踏天門之白雲倚日觀之老樹歷覽無際
庶幾覩天地之圓方今君之往予又安得無
感耶於是作歌贈君

喬君東行將登泰山放脚邪至東海往年登華山其
興今十倍丈夫出疆豈惟游行吟眺之樂固有心乎
天下蒼生者在

天子憂旱徧群神制帛官香輜以絲喬君將之敬無
怠定有滂沱之雨遍萬里而雲猶變飛艘帆影見參
差夜聞歌聲聞歎乃更看禾黍生意足亦有寇盜迷
心悔但恨不得與君同此行一舒眼外之浩蕩吐胸
中之礧磊但當紀君行曰時正德五載

題畫龍為李生鏞作

神龍不是尋常物吞吐元氣滿膏腹老角嵌岩聳碧

峰巨鱗錯落雕玄玉有時奮起走太空滿天雲霧雷
以風倘逢大旱思霖雨須尔來收造化功

、刑曹副郎劉天瑞既沒之三年其子翰林舜卿
以挽詩手卷求詩予讀而悲之題以大書曰宿
草哀情次抗僉憲古詩韻五首

正德丙寅秋笑談二三友憶君如昨日死別亦已久
亦欲尋君墓傍誰禾黍畝吟成挽君詞不忍出諸袖
訪君巷西頭頗記灰白墻君病已數日強飲不盡觴
豈意成死別英骨埋何鄉

吾家與君家世交本同鄉我今來京師君名空芬芳

憶君飄然姿如鸞鶴飛翔眼中不見君鬱鬱結中腸
君昔來京日我去已多時偶復一到京人人誦君詩
君詩今猶在綠水芙蓉枝豈但工於詩亦復妙於詞
我昔迎母喪臥病舟中床聞君柩去遠已過青縣傍
夕陽慘淡中痛哭不覺長今欲哭君墓秋風宿草荒
題愛日樓

世恩事母今白頭邀我為賦愛日樓愛日之心不易
說我欲把筆且復休未來之日恐難得已過之日恨
不留綵服常為萊子舞板輿時作滿郎遊白髮慈顏
樓上住畫棟彩簷雲氣度我願更種蟠桃樹從此年

華不知數

送提學陳文鳴陞湖廣叅政三首

教化久陵夷，黷序多聚戲。澆風相扇騰，文辭取科第。
道德日以衰，貪穢為賢哲。利班夫人有深憂，甄陶先
孝弟。坦坦正學途，諄諄義與利。冥冥雲霧天，皎皎日
月麗。

夫子好脩姱，被服多椒蘭。儼然登我堂，論古成浩歎。
古人既已遠，古道良獨難。有酒共斟酌，日暮風雨寒。
風雨一以別，凝佇萬重山。目送南翔鴈，江湖何渺然。
雨多禾黍瘁，青蕪滿院生。飢雀何處來，嘖嘖簷間鳴。

經旬不出門但聞吏點兵如何田舍子化為虎縱橫
楚人性慄慄邑里多動勦吾儒有化理化理先耕桑
張敵至冀州盜賊一時平

虎谷十八詠

虎谷

山高虎勢猛谷深山更高書靜虎臥聽清風滿杯臯
、 厚德山王氏祖塋之山

避盜入山衆山深午初曙山下聞語聲半山有人住
、 石門嶺祖塋在上

山根連地厚山嶺插天虛忠孝堪傳世休談風水書

印臺祖塋前山名

千山掩映間凜凜見孤峻此道久寂寥誰哉傳正印

四樹一株

四子各種樹樹根合為一下有一樹根上有枝千億

筆峰

誰縛碧嶙峋時時染綠雲萬里天平闊寫成星斗文

南虎谷

山村春晝長柴門蔭綠樹家人不在都向田中去

南虎谷水

杖藜信步行不覺過前浦悠然坐忘歸一霎豆花雨

門樓纏

音戰極高且險

童子導我行身輕逐飛鳥天風耳畔多人寰眼中小

石獅

幾認莓苔字字畫多不全白頭識字人云是至正年

閤門

日暮西雲匝草長山路微門前看兒女挑菜滿籃歸

黃榆嶺

林深虎豹多山高風雨恠聞有山東賊縣吏來修寨

登雲嶺

大司徒王公未第時過林嶺候霖地廟前夢土神曰此登雲嶺也

有水便有山有山便有水我涉復我登作易理如此

懸空寺

上有千仞崖下有千仞崖山僧聞客至山下採山茶

新泉

贊之東岡正德八
年有泉湧出

山翁看泉來拄杖入青林不觀其流遠安知其源深

凝道軒

大書凝道軒主人方乾乾德性與問學二者不可偏

看山樓

野曠多芳草天低足白雲樓前看山久此味也難聞

山窞

童子倚洞口無語意自閑先生洞中坐頭戴萬重山

博趣齋集卷第八

近體

送南京給事中樂平李宗岳時三原王公新至
聖主近徵元老至蒼生還倚諫臣多太行晝日迎衣
錦達業春風擁棹歌稷契他年吾有望唐虞今世子
如何東事物色添離思罇酒空時背綠波

登泰山

日觀天門相掩映六月爽氣成清秋謝安初試登山
殺李白何須飲酒樓雲盡長空天似蓋水通四海地
如舟一自尼翁下山後世人都作等閑遊

陽河道中挽王總兵璽

將軍雄畧在天山五載牙旗熊虎閑
瓦刺遠驚頗徙帳中原高臥久開關
聞名空在十年外見面無由數日間
瘦馬腐儒徒抱恨獨揮清淚野雲寒

悼洪太守其先在宋有為少師者

未老歸田世或疑由來泉石赴幽期
高明我愛今循吏華胄人傳宋少師
公藝門閭經幾世康成詩禮有諸兒
蕭蕭隴木秋風裏正是行人洒淚時

次韻贈邵國賢守許二首

獨步君登第相逢我拜師為州姑去去入座憶時時

剗處應多暇徵賢定不遲古人如可學白首共襟期
始羨儒為郡無勞吏作師文高真復古心苦為憂時
賞有湖如故鳴聞鳳未遲淮陽何可薄父老正深期

西山

懸崖綠樹陰坐久畫簫林舊路皆塵跡開雲繫野心
泉聲鳴別澗鳥影落平林欲汲龍潭水攀蘿上遠岑
贈長蘆宗蓮使廷威

萬竈曾聞煮海勞誰知國計亦秋毫漢家鹽鐵因人
重故遣郎官出地曹

玉泉亭次石邦彥韻

八駿西遊何處蹤
白頭僧老記曾逢
雲邊羽蓋擎仙掌
樹裏樓船駕海龍
日下晚山投宿鴈
烟迷秋浦渡寒鍾
紅蓮似抱美人恨
愁倚霜風憔悴容

亭前歌舞散無蹤
野鼠沙禽到處逢
水殿蒼茫秋草樹
石壇寂寞夜蛟龍
千山香霧諸仙洞
十里斜陽兩岸鍾
却憶漢皇成底事
壯年遊樂竟衰容

石上題名認墨蹤
春遊往歲記關逢
竹還幽館排銀榜
波擁長橋動彩龍
近入水鄉聞社鼓
遠尋山寺聽齋鍾
錦帆翠輦無消息
獨對荒臺一滄容

送孟仲平陝西屯田僉事

書初下建章宮諸將皆頭已望風秦甲連營金霍
北漢屯分畝王關東山田凍雪停雲白水落寒巖繞
澗紅聞道羗酋今款塞否將未耜變刀弓

次韻送李天瑞

臨岐各下淚行千鴈入雲空雲斷復連海上逐臣非偶
爾沙頭愁客正茫然孤忠結主終當合壯志逢人不
受憐莫向湘魂吊遺恨去窮今日已多年

山水登臨路幾千知音誰昨更是成連我方求道慚無
得君每逃名恐未然再出當時人欲殺三辭今日
帝應憐劒文莫遣塵埃面期在青林白髮年

變方一讀五年餘讀一人間未讀書幾向夜天看北斗偶同秋月步前除註訂如漢魏人難學道似關閩子不居却憶夔州堪共坐人投荒翻欲羨慵疎

陸孝子割股

割股事蓋起於古陳威噐人肉愈疾之說信有之則固孝子慈孫不能自己者然鄆人之對不取於昌黎予以爲此當論親疾之緩急原人心之誠僞未可執斷傷絕滅之一端使孝子慈孫坐視其親於藥石一不救之地而不敢自盡也初師李先生序陸先生反昌黎而與鄆人蓋以勸

天下之孝耳

奔忙何處問軒岐
閱畫圖書總未奇
良藥有方神入夢
告以剗股此身無計
肉為醫人言孝續千年傳我
愛心堪百世師莫遣昌黎還對鄆澆風今起少師悲
訪婁原善迷路

朝回無暇待晨食
日午南溪更北原
地有高人愁屢問
館隣幽寺憶曾言
襄城七聖真迷路
刻水孤舟不到門
惆悵紫陽二三策
微辭何日靜中論

慶成宴次邵國賢喬希大聯句韻

間闔宸開簇錦筵
赭袍光映翠簾前
旌旗隊合雲霞

繞簪珮班分鵠鷺聯殿外輕風吹暖氣觀頭祥日散
晴烟東曹獨羨連雙壁宴罷新詩已自傳

贈婁原善歸江西次韻

吳船南去覓江干誰為蒼生挽謝安群謗不曾汚意
茲孤懷長是託倚蘭手編經史傳家學身戀山林傲
俗官同甫有才難可比北君同甫却非難

近來頗學賴君支幾聽微言入耳稀路熟城南連日
到夢隨江上一春飛買舟不跨郎官馬達世還栽處
士衣欲卜著書何處好南屏山色翠成圍

邀胡寒泉

秋光滿院葉落未寒鶴
如苔身似束童子剝瓢烹欲
熟請君閒看新栽竹

憇廬溝橋道傍寺

興共春來滋愁隨水去長寒沙當道白平野隔河蒼
民物今幾甸山川古戰場兒童舊遊地夾岸兩垂楊
過保定

南北此車馬江山幾俊英蓬臺百花嶼風月兩溪亭
波淨流天色沙飛作雨聲蒼茫兵甲地弔古有餘情
汴梁有感

霸主荒臺猶突几隨隄殘柳正蕭疎耕夫不識市朝

處野寺猶存宮殿餘士慣悲歌豪俠地土含腥血戰
爭墟抱城濁浪勞宸慮漢策今漸總不如

朱仙鎮次邵國賢韻

塞草飄零一劒秋欲從海底起神州南來諸軍前
急北向師忘閫外謀少保高名原未死相公羞骨不
堪讐荒祠凜凜蒼松下孤憤令人髮豎頭

錦衣獄書壁

壁孔燈光照地眠鐸巡聲急夜悠然心間更覺乾坤
大業廢惟愁歲月捐成敗付天難逆覩忠貞在我自
須堅十年只為君恩重空負青山山下泉

一榻陰房昏霧烟去來縷綫步蟬聯敢于獄牘言無
罪却遇朝紳訝有緣鵝湖神張俊望夕瞳眈開戶鎖
坐殘楮拙擁爐磚不知憂患今何日得句揮毫總豁
然

桎梏胥靡負罪臣偶然為伴坐相親植傳戶罅午初
飯榻占墻隈晚自陳老屋閑囚應識我疎窓透月似
窺人相逢不用相憐惜此地劉球亦碎身

坐餘還起起還行鍾鼓朝朝暮暮聲日到天窓分座
煖風生鐵戶步階清庭闌繚繞愁中夢宮闕岩峩望
裏情獨有宵中耿耿在江湖廊廟總來輕

國朝詩集卷之四
四
晚步天津橋

山光翠壘老龍鱗故國遺墟草自新
世事盡隨伊闕水行人猶踏漢宮塵
北邙高塚元無主金谷殘花不繫春
却恐杜鵑今在至天津橋上客傷神

博學齋集卷第九

近體

九日登榆林孤山堡城樓驟雨有懷仲平用晦
諸君子

塞外危樓有路通十年書劍老英雄飛雲忽送孤山
雨短髮遙吹北海風道在古今行不易身於俯仰愧
無功多愁對酒不能飲把菊登臨憶數公

洮州卽事次韻

十年奔走笑龍鍾苦為思親意欲東麥酒薄難消土
瘴休褰暖亦透山風衙無人跡塵難掃庭有民詞譯

爲通外侮不生真在我防邊何必念邊功

遊華山

塵寰名利漫紛紛到此何曾入耳聞井泛紅霞蓮十
丈泉生香霧酒三分山泉有三道分酒味道人慣續登仙譜俗
上空傳佞佛文有佛氏之盛稱未向泰山小天下欲
登高頂看浮雲

贈岷州張憲副世亨時世亨將赴長安

法臺坐鎮三千里士飽民歌已六年洮水南分羗部
落鐵城西控漢山川欲教夷俗全歸夏力挽文風不
以邊君去長安尋舊約我歸曾未卜春前

題相承奉山房

疊石移松帶野烟偶然來坐晚涼天
山房真有山家趣欠我藁床半日眠

出城

兩鬢塵埃也出城春畦處處水沅聲
漫穿綠樹陰中去憶得家鄉山裏行

題通渭王宗器東墅

墅有留雲塢貯月龕

墅名東墅在城東野色全歸一墅中
留塢暖雲春草樹貯龕明月夜簾櫳
門前問字青衿子坐上鳴琴綠髮翁
欲向主人問名姓王維詩畫總能工

寄贈周司徒先生致仕

直言何暇計身危
宮宴民田

帝罷之成敗付天難
逆觀是非於世本無疑
廣川書著歸家後
司馬名高在洛時
却恐蒼生望恩澤
東山不放久棲遲

過白樺嶺

半日行難盡
高低險復平
草深疑地軟
雨罷覺雲輕
空谷騶輿過
深林虎豹驚
山頭聊縱目
萬里一川明

題岷州梅川館壁

霏微烟雨送秋寒
倦愛幽窓一榻閒
學語嬌鶯驚乍

夢移床煎茗看青山

宿李氏山庄 臨泥

曉頭雨滑岡頭石暮厭風吹澗底沙溪上水田通一路應知不遠有人家

石磴高攀數十層柴門俯瞰萬山青明朝城市逢人處先問曾來到未曾

文縣題壁

石磴攀緣上江流咫尺間我今行著路人不測之山秦蜀陰平道華夷玉壘關臺端布恩德羣羣總同懽

過乾州

道上行人歇馬時。空山處處有殘碑。乾陵故事應無數。只問當年竇女祠。

秦州有懷宋惟寅胡用晦二兵備次壁間韻

宦途未了奔忙債。又挈妻孥隴外遊。戎虜慙無充國計。感時惟有杜陵愁。故人相見歲年晚。旅舍獨吟風雨秋。欲向飛鴻傳一札。滿塘蘆荻恨遲留。

題馬四首

曾經百戰出邊頭。老放南原晚不收。為問主人今在否。將軍多日已封侯。

前年得之大宛野人有相曰此龍也漢家首著春飽
餘須付天下能騎者

霧鬣風駿自有神天閑十二更無倫千金不用君王
價只願長留識馬人

獨立團團似黃鵠當面雙蹄削碧玉飄然自有萬里
心玉勒金鞍莫裝束

次東坡雪韻

滿積平原已沒鴉忍寒開戶覓柴車鮫人千萬揮珠
淚神女三千散寶花大地鏡光天照影巴江春浪海
為家趨朝欲步長安陌先問行人路幾叉

弱辨如花放六纖透窓聲勢逼人嚴西崑夜剖千山
玉北海春生萬木鹽胡中有僧殺滑愁迷舊齒市樓
危恐情飛簷豐年欲譜農家曲无畫吟毫幾凍尖
孝宗皇帝挽詞以太僕少卿儲懌二首

圖治心方切乘龍去不留詔開三日哭服脫百年憂
率三思宏澤諸臣仰聖謀且言十八載曾有一盤遊
九重坐清晏萬里燭幽陰禱雨齊初罷憂民疾轉深
渴求仙掌露極渴索水可得遂崩不淚灑御床金畏是膺鑒
微臣極痛心

宿黃金渡在漢中羊縣

幽亭戶掩殘燈火坐久寒生山寂然吟罷新詩無處
寫月明獨枕漢江眠

馬踏雲窩裏人穿石罅中天因秦嶺狹山為漢江空
明月池邊雨黃金渡口風野亭門不鎖滿地夕陽紅

晚坐聞鴈約張用昭登金童山

山在岷川

春雨生泥罷出遊小窓疎竹晚來幽家書母向烏書
喜客枕那堪鴈送愁幾日吟毫曾著硯經年文案是
埋頭故人欲共壺觴約一上金童百尺樓

益綿壽社

嘉謨父浚而母在堂褒詔有
益綿壽社之語故取此名卷

曉來褒詔下承明母氏劬勞此日情髮薄醺嫌珠程

冷先教滿額抹烏綾

萱花閨愛手親裁事事無憂稱老懷鄰媪不妨時過
我吾兒頻寄俸錢來

邊頭更有江南客隔歲家書到五原書言老母春來

健氣力猶能抱大孫

時嘉謨在五原

哭胡用晦

陝西會亭名倬廣西桂林人

燭下作書猶寄我鷄鳴便死竟何為千里吊喪惟有
淚一春極痛不能詩孤兒幼婦行囊薄釐兩蠻烟旅
觀遲昨夜分明夢顏色掀髯笑語似生時

次韻惟誠述懷之作兼寄山東惟正

懶病春來入背腰，好山何處買堪樵。
聞君近日思湖海，慙我多年戀市朝。
遠道有書通問訊，陋風無計變荒要。
山東更是停雲地，欲買千鍾一醉堯。

臨洮有懷蘭州彭濟物次希賢李提學韻

空庭獨住興遲遲，白雪黃花時八。
大雪八亦自宜，病裏得閒惟欲睡。
忙中過此久無詩，何年匹馬辭官去。
故里秋風動客思，可柰懷人頻入夢。
傳雲咫尺大河陂。
濟物住黃河岸

臨洮摩雲嶺

路襲蒼蕪幾曲深，攀緣更上百千尋。
遠歸中國分夷

夏雄峙西垂閱古今風樹只疑龍虎鬪石泉還訝雨
雷侵地寒似少陽光照無限憂民感慨心

蘭州

百年邊郡依秦塞萬里神州擁漢關城厭風濤星宿
海樓傳烟火賀蘭山詩書燭影連歌誦車馬鷄聲動
往還禾稻秋來遍原野家家流水碧潺湲

博趣齋詩卷第十

近體

遂庵楊公名常君承恩巡按察院之亭曰思亭作詩百
留別次韻為贈代刑司作三首

吏事何妨文事兼書聲深院出疎簾只知開卷聖賢
對自遣聞風虎豹潛發廩濟飢親歷遍隨車得雨頌
聲僉獨慚潦倒成何用華髮春來出帽簷

曾標自是出塵樊堪為吾皇撫一藩吏散讀書移小
座飯餘挾矢向西園察微雖盡心原恕念舊多謙德
更尊王旦韓琦勲業重每逢客處愛談論

判筆如飛豈用思簿書全不礙吟詩心如賈誼長憂
國才似姚崇欲救時風采只今人共仰姓名當日帝
先知從來輦轂須彈壓豹尾車旄去莫遲
名利何曾一入思案頭惟是有書詩慨心益戀將歸
日臺法全如始至時關隴踏馬車天子召京師駟馬路
人知清風驛館無餘廩父老都言見此遲

留別張用昭次前韻

君在秦中繫我思我思便取讀君詩東來落日相逢
處此後秋風獨往時世有常情真可笑心非同道豈
能知與君十載通家舊訪我休來虎谷遲

徑到邵陽省竹

此君重復見似有故人情歲久節愈勁春來笋自生
新枝含雨潤疎葉散雲輕相對不知夜華山孤月明
、題許由棄瓢圖

天下於身本無累何須逃遁住空山匏瓜自是無聲
物却被先生掛樹間

、書隴州故關巡檢司壁

泉聲樹色擁行車問到關頭吾祖家故事尚傳當日
叟近年初改舊時衙前山鸚鵡何言語別院梧桐幾
歲華塲上青松今已拱不堪揮淚夕陽斜

先祖諱義成化二年任陝西隴州故關大寨
巡檢考滿告致仕卒於家二十三年贈吏部
驗封司主事弘治三年贈奉直大夫驗封司
員外郎十年贈太常寺少卿十七年夏六月
九日陝西等處提刑按察司副使整飭洮泯
等處邊備孫雲鳳謹書

秦州逢隴州閻允中

握手關頭夕照紅寥寥孤鴈度長空
莎平初罷昨夜雨野曠不知何處風
鸚鵡飛看來隴上鳳凰鳴合自岐中
十年憔悴君何往一日離愁我向東

岐山道中

岐下山川自不同西來瞻眺未能東地非漢故空陵
寢民是周餘近鐫豐欲聽鳳凰鳴曉日又看禾黍動
秋風平生弔古情無極千載興亡一望中

謁休庵王司馬祠

數百年来一俊英乾坤何處不知名鐵衣禦虜人皆
壯赤手屠姦帝亦驚南甸聞聞思父母西垂部曲號
神明黑頭乞老誰能挽却使虞廷瓦釜鳴

雙鶴前導

遂庵楊公謁正學祠因過書院院中雙鶴整

步前行左右相對若導引者自書院二門至
分司堂上而止次楊公入關詩韻以紀之

填巷衣冠斷往還仙禽亦有意相關下堂共引墀中
道入座分趨屋兩山整步似嚴今日禮回頭應認舊
時顏招呼欲問翻成嘆飛上松巢不可攀

子午谷

馬前銅笛轉山頻樹底行沿漢水濱又喜晚炊來子
午曾經春雨憶庚申庚申正
月過此采茶調苦穿林女放獺
聲高蕩漿人却恨妖容幾喪國拂衣猶有荔枝塵水
人放獺取魚子
谷唐取荔枝路

恩榮宴歸圖爲呂郎中作次王茂學侍郎韻

有詔開筵禮部衙登堂揖讓坐無譁中袍進上皆持
笏冠珮諸公總戴花美酒頻來良醞暑清歌盡出教
坊家柳垂桃綻長安路宴罷歸來意氣賒

次吉惟正山居有作韻

清暑獨共白雲斟雨過微涼受滿襟野坐但教長對
客書齋何必要藏金月來庭竹婆娑影風拂山泉斷
續音今日紫薇花似錦一枝誰念在空林

灞陵別諸生

七年兩度領生徒淺薄深慚教未敷自是文章關氣

運敢將道德作師模三秦豪傑周多士八郡絃歌魯
有儒莫苦追隨終是別秋風斜日灞陵途

黃河西岸別胡鑑牛斗韓邦奇邦靖

曉看太華半山雨晚步黃河滿岸風七載宦遊無可
述一時佳士遠相從談經訓詁詞章外論道精粗巨
細中此地不堪重回首沙雲初起夕陽紅

荊州普救寺別景良弼

古寺秋風酒一杯河聲山色坐中來相携更上高原
望多少園亭盡裏開

次王宣溪韻贈張愈光

病目相求到佛堂
隔簾曉日正蒼蒼
論詩總愛杜工部
學字曾臨朱紫陽
過我偶然留共飯
劇談何者敢呼郎
魏冠幾步長安陌
多少行人看拱翔

博趣齋集卷第十一

近體

同喬白巖胡菊水遊華山白巖獨登西峰絕頂
余與菊水先歸次菊水韻

欲剪溪頭一段雲陳搏洞口坐清薰路穿裂石寸步
險山到中天咫尺分日月崖寒晴作雨玉泉院寂午
如曛白巖獨上西峰頂費我招呼總不聞呼白巖遠若
不聞而去

送喬希大

野寺逢君一飯時長空星斗正高垂快談每覺連宵
短極喜翻成數日悲舊日塵容皆欲老壯年豪氣不

曾表華山仙掌應千仞把酒同登亦太奇

次邃庵先生韻送希大

篆疵詩病賴君脩君有才今第一流秦晉合歸平子
賦山川都入馬遷遊一尊別我愁應結千里尋師願
已酬東去牽攀總無計片時欲借華峰留

次希大留別韻

仙旆遙瞻隔岸船此遊真是壯山川詩如杜甫高難
學篆似陽冰妙不傳曉色遙開秦嶺樹晴光忽起霸
陵煙追隨千里何堪別一夜心飛上黨前

謁孔明祠

中原無處不兵戈，獨向岡頭抱膝歌。
醜女只將才作配，將軍須待駕頻過。
圖中龍虎真難測，身後桑田未肯多。
兩表久無曹父子，一星還殞漢山河。
青天白日神長在，宋碣唐碑字欲磨。
寂寞荒祠儼遺像，行人不去意如何。

東臯爲冒郎中題

盡省才華有數人，東臯心不在風塵。
嘯登每羨陶元亮，取號真同戴叔倫。
淮海雲烟千里夢，長安歲月幾回春。
憑誰寫出山中趣，手把書省白氎巾。

遼州贈州守楊澤民

上黨春寒草木遲喜聞官長惠無私萬千山裏相逢
處二十年來再到時兵火幾經先軫廟風雲長護祀
融祠因君欲訪遼陽勝可奈公家事有期時將
補贈陝西巡按御史秦民望遷保定府知府走

筆次強長史景明韻

去歲春來今及秋一時名重比山丘除姦力似千鈞
弩容物心如萬斛舟郡縣每驚傳號令閭閻頓喜免
誅求送君欲酌寒泉水曉露清霜作脯羞

驄馬重臨識姓秦民望先在三秦山色一時新日長
村巷門無吏秋盡邊關騎不塵此去聲名留野頌向

來風采動朝紳漢家黃霸終為相未必今人讓古人

庚午正月十一日郊祀分獻帝王壇

聖代最嚴郊社禮儒臣叨獻帝王壇殿開樂奏迎神

曲駕過班聯助祭官十六位自伏羲至元世祖共十六位分同俎

豆萬千年共仰衣冠煮蒿真見洋洋在一寸精誠已

極殫

送柴墟致仕正德庚午春

柴墟一病辭官去江上春光似有期十載風塵翻易
別半生踪跡最難知祇憐客舍養親晚未信名人得
子遲今日

君恩何以報會者身健再來時

柴墟每愛評人物此是何等之襟期一別數年勞夢
想相逢無語只心知時劉瑾河開忽報辭朝去馬病
深慚出餞遲海內交遊今有幾追隨應赴黑頭時

送曹益之西歸

儒家詩禮將家兵信口高談滿座傾冀北麒麟今讓
價江南草木舊知名遊南曾雲山每憶故人面風雨

那堪此日情聞道朔方傳羽檄從容籌策在茲行

送戶部尚書劉用齊致仕

近山本是讀書人偶入塵埃誤此身名利紛華雲漢

博起齋集卷第十二

雜著

書德華文章正宗辯後

宋西山真氏集古人詩文作文章正宗蓋為專攻文
詞者設與昭明文選姚鉉文粹用心無異至其自序
乃曰學者所以窮理而致用也文雖學之一事要亦
不外乎此故今所取以明義理切世用為主則以儒
者體用之學濟其說而未免岐而二之夫聖賢所以
相傳者道而已是道也其功用極於育萬物贊天地
而其實不外乎日用行事之間故聖人既有是道于

身則自日用行事以至所以育萬物而贊天地者固已煥然其明盛而不可揜矣若堯舜禹湯文武周孔之禮樂制度威儀言辭與凡見諸事形諸外者皆文也孔子曰文王既沒文不在茲乎文者道之可見者也而言辭者文之可見者也故六經四書儒者謂之文誦說其文以求其道而體之於己儒者謂之學學者誠知所以學而得夫道則所謂文者將復自我出豈特言辭而已哉若以文為學之一事則是孔門之徒皆將操筆學為文詞而不知儒者之學固未始有意於文而徒學為文者固不得竊學之名也蓋自

三代之教廢而儒者之學不講世之人徒見聖賢言辭之無弊流傳之無窮心慕而竊效之然不知深探其本于是乎秉筆締思日積月累久而既多編之成書則自視以為天下之文不吾過矣轉相授受放效成風千有餘年使才質高明者不得進為德義之儒而資質庸下者不得守為謹愿之士至於有宋真儒迭起講明聖學一洗其陋其友輔之其徒和之所見雖有淺深所就雖有高下要皆能辨於二者之間而不知所取舍矣真氏生於諸儒之後號為大儒而不能自拔於文詞陷溺之中反又從而文之孟子曰惡紫

之奪朱似是而非有誤後學非若昭明姚鉉為淺薄之士而文選文粹出於文家之手固不足重輕也其辭命議論叙事德華辭之悉矣其詩賦曰三百五篇之詩正言義理者無幾云云蓋詩者人心之感物而形于言之餘也人各言其志故有是非之不同而無工拙之可言誦詩者諷諫之間既有以因其言之是非而知其心之邪正以為吾之所當取舍然必窮理慎獨真有好惡之誠省察之久實能為善去惡而後性情之正有可言者故古人必十三誦詩久而後能有所興起其次第之不可紊而功效之難如此今日

諷詠之間悠然得其性情之正即所謂義理為言亦
傷易矣又曰後世之作興寄高遠讀之使人忘寵辱
去係吝條然有自得之趣此蓋後世耽吟之流溺意
詩句之間而不知其他所謂但覺高歌有鬼神焉知
餓死填溝壑者實非有見於道安於命胷中自悠然
灑落而無寵辱係吝之可言也至若朱子詩有三變
之說蓋為答鞏仲至之問雖其論極盡詩之本末取
舍其意則以為使今之作詩者能如此亦庶乎不失
古人遺意矣豈可謂詩乃朱子之所取學者必不可
不作而為學之一事乎且朱子嘗欲注莊文矣使其

言成必能尋究其病根之所起體貼其旨意之所在而大有取舍於其間蓋窮理者必如此然後是非功罪者可得而論也亦將謂朱子教學者以學莊乎况真氏雖自謂以文公之言為準乃不分三等兼失之矣或曰如子之言則孔子所謂則以學文博學於文周子所謂文辭藝也道德實也篤其實而藝者書之皆非與曰孔子所謂文詩書六藝之文格物致知之謂也若文莫吾猶人則專以言辭而言若宰我子貢之言語者耳真氏言文乃作為文章之文然作文之文與周子所言之文雖若不異而所以言之實不同

周子之意祇謂學者當先篤其實明其道而後可以
言其言亦不可不美而所謂美者則亦善其辭說之
云耳非謂有志於求道者又不可不學文也不觀朱
子之言乎人之才德偏有長短其或意中了了而言
不足以發之則亦不能傳於遠矣故孔子曰辭達而
已矣程子亦言西銘吾得其意但無子厚筆力不能
作然言或可少而德不可無有德而有言者常多有
德而不能言者常少學者先務亦勉於德而已矣此
其緩急本末輕重取舍學者所當潛心也

跋五清書舍記詩後

內江素菴先生劉公在山東臬司作書舍居其子瑞
名以五清自為記與詩且曰學者所以學聖人之道
舜何人也予何人也有為者亦若是其所以望於瑞
者不淺矣今二十餘年瑞之學有大過人者其不負
素菴之教哉昔韋齋將沒屬其子從某遊從某遊晦
菴卒為大儒光於周程至今學者嘆晦菴之能成父
志韋齋之能知其子也非知子之難成父志之難晦
菴之孤十四歲瑞之孤十三歲實素菴作記之明年
吾又嘆其跡之同而益不可不勉也

次五清詩五首

六經以載道道之原在天求道於遺經乃程朱大賢

右經訓齋

往在芝蘭室久已化其芬今為玉堂客芳名乃爾馨
右芝蘭室

軒中有童子而能慕紫陽紫陽亦未遠努力期同翔

右朝陽軒

群花忽以放今春似去春吾心亦活物生生仁者人

右玩芳臺

韋齋能訓予千載有遺風欲識五清意君看數語中
右引而未發

魯齋仕元說

世多議許子仕元者昔者孔子嘗之楚楚夷也猶夫
元也若昭王卒用孔子孔子相楚必有用夏以變之
之道將不周於東而周於南矣許子於元孔子於楚
一也父子君臣夫婦兄弟朋友人之大倫也父子夫
婦兄弟朋友皆知不可廢而獨於君臣廢焉聖賢不
為也元之不能相許子斯民之不幸也若責許子不
踰垣閉門以潔其身則孔子故曰果哉莫之難矣孔
子之汲汲於世者何居但許子雖聞道而未大恐無
立斯立道斯行之妙譬之捕虎焉下莊子操戈而往

則人知其必獲虎矣里之丈夫執旌而往則人知其
必不能獲虎矣孔子於楚卞莊子刺虎也許子於元
里之丈夫刺虎也不為虎傷足矣然則許子隱而不
出可也

跋劉廷篴族譜後

予在太學六館士多推舉人劉廷篴者與之語且省
其私謹畏而不妄出一語者勤於問學而達於事務
者間以所作族譜相資予閱之竟嘆曰嗟乎道墜教
亡先王之澤之泯也盡矣豈特一端也哉民之蚩蚩
焚焚焉無法以聯絡之合其離而親其情統於一而

同其倫則有不親其親而他人是親不長其長而他人是長者矣宗法者亦先王教民以親親長長之道也宗法必有族姓譜牒古者列國各掌於太史氏後世史氏失職紀載遺闕多矣豈特宗也哉今譜牒世多忽之雖世祿之家亦有不知其為何物者富貴相驕貧賤相棄忿怒相戕往往親未盡而相視如途之人嗟乎上失其道而民散豈特譜牒也哉廷簠之譜援祖雖遠而有據序族雖繁而不紊其心固親親長長之心也劉氏子孫觀此其不能孝弟之念乎廷簠其更以此心求先王治天下之大經大法